

明史攷證攢逸

九九

明史攷證攬逸卷三十四

長洲王頌蔚編集

列傳第一百八十三 忠義七

何復附傳一時武臣死事者至把總則郝國忠申錫○

按張之坦管民治楊仁政李尙忠紀動趙世貴劉本源侯繼先張守道劉朝卿劉悅田守正王好善強忠武王爾祉郝國忠申錫俱賜祀忠義祠

總監正化知其能

總監改中官

○按總監正化卽上文中官

方正化也一傳中不應參錯

張羅俊附傳被誣落職歸○按崇禎長編是時羅彥同邑少卿史堇坐贓瘕死忌者誣羅彥私堇遂落職所

謂被誣者指此

子晉與羅俊子伸

至

持短兵殺數人乃死○按張羅善

張羅輔張晉張伸俱賜祀忠義祠

金毓峒附傳其從子振孫有勇力

至

亦不屈死○按金

振孫肖孫陳國政張爾翬孫從範高經郭鳴世王之
珽韓楓何一中杜日芳王法劉宗向田仰名劉自重
劉會昌王聯芳俱賜祀忠義祠又按尹洗安肅人天
啟二年進士授祥符令未任補蒲圻調繁洛陽擢禮
科給事中以忤璫出爲福建建寧參政罷歸家居遇
害見畿輔通志

湯文瓊傳又有范箴聽

至

服藥死○按湯文瓊及范箴

聽楊鉉李夢禧張世禧張懋賞懋官周某郝奇遇俱
賜祀忠義祠

許琰傳以六月三日卒○按明史紀事本末琰聞京師
之變徧體書崇禎聖主四字絕粒七日而死

京師則曹肅

至

王拱辰○按許琰及曹肅藺衛卿周讜

李汝翼李若葵王明灝王介休殷淵宋湯齊郭珩王
拱辰俱賜祀忠義祠

父大白官監軍副使爲楊嗣昌所殺○按大白爲興安
路監軍是時嗣昌會師襄陽張獻忠羅汝才等八營
遁鄖陽興安山間遂斬大白並鞭副將刁明忠以徇
見綏寇紀略

王喬棟傳李自成據武昌

據改奔

○按自成由西安奔襄

陽至武昌時左良玉南下武昌虛無人自成眾尙數十萬分爲四十八部居武昌五十餘日是時我大兵追勦闖賊賊方奔亡不暇未幾卽死當其奔突武昌豈得復稱爲據原文未協

張繼孟傳繼孟等不爲屈乃被殺妻賈從之○按是年六月賊陷重慶七月龍文光與總兵劉佳蔭從川北來成都謀設守賊騎兵從資陽水兵從洪雅新津薄城下佳蔭出戰大敗賊四面縱火文光急遣人往灌縣決堰注城濠賊攻愈厲西北城樓破比水至而城已陷見綏寇紀略

劉士斗傳命粹以上

上改下

王勵精傳書文信國取義成仁四語

信國改天祥

王勵精附傳山陰趙嘉煒守都江堰

至

與其僕俱縊死

○按趙嘉煒卜大經俱賜祀忠義祠

尹伸附傳郫縣則舉人江騰龍○按江騰龍賜祀忠義祠

高其勳傳及沙定洲再反

至

服毒死

○按是時定洲作

亂據雲南會城黔國公沐天波奔永昌定洲追之聞

兵巡道楊畏知據楚雄起兵討賊乃留圍楚雄不能

克孫可望在貴州聞雲南亂兼程趨滇定洲急收兵

還阿迷與可望遇於蛇花口大敗遁去可望遂取雲

南見明史紀事本末

襲祖職爲楚雄衛指揮

刪楚雄二字

凡守禦備悉

改承憲綜理守禦事

弟承瑱力戰死

至

一門自焚死

單國祚者

至

罵賊被殺

○按王承瑱王士傑段見錦楊

明盛楊一甲魏崇治高拱極楊士俊尹夢旗夢符馮

大成楊憲單國祚俱賜祀忠義祠

張耀傳有顧人龍者

至

城陷死之○按顧人龍賜祀忠

義祠

米壽圖傳至則與督師王應熊

至

漸復川南郡縣○按

是時應熊等避地遵義會巡撫馬乾復重慶松潘副

將朱化龍復龍安一蘅乃起舊將甘良臣爲總統合諸將楊展余朝宗等以乙酉三月復敘州旋取嘉定邛眉總兵賈聯登等取資州簡天錫高名佐取瀘州李占春于大海守忠涪副將曾英復破賊兵數萬其他洪雅松茂夔萬皆受一蘅節制見明史紀事本末所謂漸復川南郡縣者指此

耿廷籙傳乾固守至乾戰敗而死○按是時英與參政劉鱗長自遵義至與李占春于大海張天相等奮力夾擊大破之見明史紀事本末

席上珍傳世鼎自殺

晉寧舉人段伯美至亦自經

天禎聞之卽自盡○按席上珍及金世鼎段伯美余繼善耿希哲李開芳王朝賀杜天禎俱賜祀忠義祠

徐道興傳孫可望等入雲南破曲靖○按是年三月可望等由黔入滇屠霑益州進破曲靖亦屠之見明史紀事本末

徐道興附傳子諸生耀葬親訖亦縊死○按張耀賜祀忠義祠

劉廷標附傳是夕運開先自經

先字

王乃先我

王下增公字

或以運開弟運閔對至遂躍入江死○按王運閔賜祀

忠義祠

乾隆四十一年賜諡諸臣邵宗元劉忠嗣金毓峒沈
雲祚李含乙張耀羅國巘通諡忠烈張繼孟尹仲吳
宇英米壽圖耿廷錄馬乾通諡忠節龍文光何復張
大同楊儒秀張羅俊張維綱尹洗張孔教劉佳蔭劉
士斗王勵精劉三策秦民湯朱蘊羅艾吾鼎單之賓
朱奉鋤莊祖誥王起莪陳正王承憲吳子騏譚先哲
曾異撰冷陽春徐道興通諡烈愍呂應蛟文運昌劉
洪恩戴世爵劉元靖呂九章呂一照李一廣張羅彥
韓東明王喬棟陳其赤鄭安民方堯相顧繩貽刁化
神鄭夢眉蔡如蕙高其勳蕭時顯劉琯楊元瀛石聲
和曾益何思夏祖訓陳昌裔廖履亨焦潤生張朝綱

劉廷標王運開通謚節愍

列傳第一百八十四 孝義一

百官聞父母喪不待報得去官○按洪武二十四年七月龍江衛吏以過罰書寫值母喪乞守制吏部尙書詹徽不聽吏擊登聞鼓以訴帝召徽切責而許吏終喪見明實錄

漢府左護衛千戶許信男斌

男改子

南州吳仕坤

南改蘭

○按地理志無南州考明實錄仕坤

甘肅蘭州人

皆旌爲義門

改皆旌表門閭

○按明實錄所載凡輸財助振者

皆旌表門閭爲義官義士義民與義門自別此所載

小誤

鄭濂傳擢濂弟濟與王勲爲春坊左右庶子○按濂從兄淵有孝行母卒積哀耳爲之聵中外交薦以病辭卒宋濂表其墓曰貞孝見識大錄

濂從子幹官御史棠官檢討他得官者復數人○按明實錄永樂十四年陞蜀府教授鄭楷爲本府左長史致仕楷浦江義門從蜀王椿之請也

邱鐸傳父爲湖廣儒學提舉

父下增誠字

○按獻徵錄鐸父

名誠

鐸奉父母播遷

改鐸奉親播遷

崔敏附傳字季栗

栗改

○按識大錄蘇州府志並作季

粟

周琬附傳乃聽圭代而戍其父雲南○按洪武二十五年正月天策衛卒吳英父得罪繫獄英詣闕願沒爲官奴以贖父罪特允之見明實錄

李德成傳洪武十九年舉孝廉屢擢尙寶丞○按德成舉孝廉授光祿署丞改太常贊禮郎二十五年擢尙寶司丞見識大錄

沈德四傳直隸華亭人

直隸改松江

○按地理志華亭領於

松江府屬南直隸此稱直隸未協

趙紳附傳山陰人

山上增浙江二字

○按地理志山陰有二一

屬浙江紹興府一屬山西大同府考一統志尙質爲

浙江山陰人

魏祥傳又有華夷之限

華夷改中外

列傳第一百八十五 孝義二

傅檝傳泉州南安人

泉州改福建

○按地理志南安府屬江

西南安縣屬福建此書泉州南安卽福建之南安也

但考各傳文內無載府名者此書泉州於體例未符

謝用傳抱用歸寄乳鄰媼○按獻徵錄用父永貞納妾

馬氏生一女永貞客外嫡苦之遣歸母家改適孚溪

時馬氏已孕四月矣月足姪生卽用也明年永貞歸

怏然於懷其伯父廢翁曰婦去而子存亦不幸之幸

也永貞卽抱歸寄乳鄰母孫氏

用徧覺幾一載○按獻徵錄用謀於族人珣偕往密訪日則哀泣詢人夜則焚香籲天千里之內水郭山村覺之殆徧

何競傳道經舜賓家

至

大詬曰

改道舜賓家魯陰使押顯章過之詬曰

○

按浙江通志何競傳是時顯章下府覆驗道舜賓家魯噤解人押顯章過舜賓隨遣阜捕等五百餘人執器圍其家曰舜賓篡取重囚云云蓋魯既與舜賓讎又設計陷顯章於重辟豈容其入與之謀乎

而預令族父澤走闕下訴冤○按浙江通志族父名澤二此作澤所紀各異

而解役任寬慷慨首實且出舜賓臨命所付血書○按

浙江通志血書作血衣任寬作任觀與此互異

王原傳既娶婦月餘跪告母曰兒將尋父○按原母張氏妻段氏見文安縣志

後原子孫多仕宦者○按原父珣歸時年已六十有四原生男六人孫男十有五曾孫男二十有二俱業耕讀有司嘉原行以壽官榮之見文安縣志

歸鉞傳嘉定縣人

刪縣字

○按各傳文例俱無縣字

父娶繼妻有子

父下增更字

何麟傳門閉不得入怒而還京

而改及

○按本紀正德十

三年八月如大同九月初次偏頭關十月次榆林十二月次綏德十二月戊寅幸石州戊子次太原十四年

正月丙申朔帝在太原王子還宣府二月壬申至自宣府計十二月戊子次太原至次年王子還宣府是帝在太原共二十五日矣且先還宣府後由宣府還京此傳云門閉不得入怒而還京所紀似失實蓋當時江彬等方導帝遊幸朝臣切諫尙不能阻又彬傳稱抵太原大徵女樂或初未及問還京之後始追問舊事耳

容師偃附傳十三年復叛殺總兵李瑾

三改

○按本紀

大同兵叛殺總兵官李瑾事在嘉靖十二年此作十三年誤

崔鑑傳父嗜酒狎娼召與居娼恃寵時時陵鑑母○按

鑑父名佑母王氏娼魏氏見獻徵錄

乃匿刃牖下

牖改

○按獻徵錄作匿刃牖下

唐儼傳嫡母歿二十年而生母歿○按獻徵錄儼事嫡母蒙氏甚謹生母宋氏事之兼隆而儀節飲食較殺焉曰禮不可踰也

有司奏旌其門○按儼少入鄉校至是學使知其孝行錄爲廩生並以粟帛給其妻先是觀風者多重儼欲上其事於朝儼辭曰事親以盡吾心耳使以親故得名非儼志也後至京肄業南雍有司奏旌之儼終於太學云見獻徵錄

邱緒傳事余至孝○按獻徵錄緒太學生鑑之次子嫡

產兄經及弟綸俱客京師後余病革緒獨侍湯藥衣不解帶余感動

疏聞於朝獲旌表○按獻徵錄緒弱冠補邑庠弟子員食廩祿者二十餘年累舉不第需次及貢矣忽感火疾旬餘而死年六十有二

王在復傳從父讀書城外○按獻徵錄在復名亮燾時嘉靖三十三年五月也○按獻徵錄作五月初九日王世名傳時萬厯九年二月○按獻徵錄係萬厯九年正月事此作二月互異

李文詠傳父大經沂水知縣

改父大經故沂水令

○按獻徵錄文

詠父大經原任沂水知縣於史傳文法當作故沂水

知縣無故字則下文寢室被火似在官署矣

列傳第一百八十六 隱逸

倪瓚傳故自號雲林居士○按書畫譜云瓚別號五曰
荆蠻民淨名居士朱陽館主蕭閑仙卿雲林子雲林
多用以題詩畫故尤著

爲人有潔癖○按畫史會要云元鎮素有潔癖人號倪
迂

士信以幣乞畫瓚又斥去○按書畫譜云元鎮好僧寺
一住必旬日簞鐙木榻蕭然宴坐時操紙筆作竹石
小景客求必與一時好事者購之價值數十金張士
誠弟以幣求其筆元鎮怒曰予生不爲王門作畫師

卽裂其絹而却其幣

徐舫傳丙午春卒於家

改以疾卒於家

○按傳中並未敘年譜

干支此處突書丙午春未詳何代何年考明太祖洪武元年乃戊申丙午先戊申二年則尙在元順帝時矣上文已書舫年歲下復敘干支體例亦不合獻徵錄作以疾卒今從之

劉閔傳訓鄰邑

訓下增徒字

○按訓鄰邑不辭莆田縣志作

訓徒

朔望歸則號哭殯所

刪則字

知府陳效請遂其志榮以學職○按分省人物考宗彝與陳效並薦之與此互異

孫一元傳不知何許人○按獻徵錄一元關中人年十三誦古六經文不爲舉子章句獨居一室家人罕窺其面十八入終南山繼入太白山云云

沈周傳有郡守徵畫工繪屋壁○按分省人物考作郡守曹姓

銓曹問曰○按分省人物考作銓曹王問沈先生列傳第一百八十七 方伎

滑壽傳滑壽○按紹興府志葉逢春云壽蓋劉文成基之兄易姓名爲醫文成旣貴嘗勸之仕不應而去

晚自號櫻寧生○按朱右撰傳云壽在揚州曰滑壽在蘇州曰伯仁在餘姚曰櫻寧生

葛乾孫傳父應雷以醫名○按蘇州府志應雷所著有醫學會同二十卷由平江醫學教授擢江南醫學提舉元末人也

張中傳遇異人授數學○按獻徵錄張中傳作異人授太極數

參政趙維祖

維改繼

○按本紀作趙繼祖此誤

袁琪傳鄞人○按獻徵錄琪字廷玉以字行其先南昌人後家於鄞

戴思恭傳治諸醫侍疾無狀者

治改逮

○按明史紀事本

末是時召諸醫侍疾無狀者悉付獄是尙未治罪也治字文義未協

盛寅傳太監具以告因盛稱寅卽召入便殿○按獻徵錄永樂乙酉郡大夫薦授醫學正科名曰振庚子至京師求療者戶不能容太宗聞知召對與此稍異

全寅傳英宗復辟將官寅○按是時景帝弗豫中外以儲嗣未定爲憂寅亟言於石亨早定大計亨意遂決英宗復辟欲官寅以此見明史紀事本末

吳傑傳○按傑字士奇見獻徵錄

僅可還大內

僅可改可速

甫還而帝崩

改甫數月帝崩

○按本紀武宗於十五年九月得

疾十二月還京師至次年三月崩於豹房此云僅可還大內甫還而帝崩似失實

吳傑附傳歷加工部尙書○按紳連加通政使禮部侍郎工部尙書領院事見識大錄

凌雲傳字漢章○按兩浙名賢錄以漢章爲名不云雲字漢章

周述學傳山陰人山陰上加浙江二字○按地理志山陰有二一

浙江一山西述學浙江山陰人見通志

讀書好深湛之思刪湛之二字

張正常傳洪武元年入賀卽位○按正常於洪武十年秋偕李善長祀嵩山還家卒見貴溪縣志

張正常附傳賜號長春真人○按獻徵錄是時淵然賜號沖虛至道元妙無爲光範衍數莊靜普濟長春真

人傳內前後諸人俱詳載賜號獨淵然未悉

賜以金印○按識大錄載英宗卽位復加號西天佛子
賜以玉印

明史攷證攬逸卷三十四

三十四

明史攷證攬逸卷三十四

明史攷證擴逸卷三十五

長洲王頌蔚編集

列傳第一百八十八 外戚

目錄

張騏

騏改騏
本傳同

○按明實錄獻徵錄俱作張騏后妃列傳

及外戚世表同

陳公傳明年有言王墓在盱眙者

至

諭翰林學士宋濂

文其碑○按明實錄洪武三年三月立揚王墓碑詔

內臣禮官往祭而修治之且置守塋戶四年正月詔

工部改建皇外祖考揚王廟於泗州盱眙縣之墓所

是立碑立廟乃兩年事此所載未晰

從大將張世傑扈從祥興

從祥興改駐南海

○按宋濂原碑文

云當宋之季名隸尺籍伍符中從大將張世傑扈從祥興帝駐南海考祥興卽宋末衛王昺也王昺僻處海隅固不得承大統但徒稱祥興年號於史傳體例未協且節去駐南海三字則下文溺死及達岸等語皆無根矣

馬公傳四年命禮部尙書陶凱卽宿州瑩次立廟○按明實錄洪武四年正月詔工部改建皇外舅徐王廟於宿州之墓所又按獻徵錄洪武四年六月詔禮部尙書陶凱撰徐王廟碑

張麒傳洪武二十年以女爲燕世子妃

二十改十六

○按燕

世子卽成祖太子仁宗也考仁宗本紀於洪武二十八年冊爲燕世子永樂二年冊爲皇太子此於洪武二十八年卽書燕世子者後人作史之詞也又考張皇后傳於洪武十六年封燕世子妃永樂二年封皇太子妃此云洪武二十年以女爲燕世子妃誤

仁宗卽位

改永樂九年

○按獻徵錄麒麟於永樂辛卯追封彭

城伯甲辰進彭城侯考辛卯係永樂九年甲辰乃永樂二十二年也又按外戚世表麒麟於永樂九年六月追封伯仁宗卽位十一月追贈侯實錄亦同蓋仁宗卽位雖在永樂甲辰之秋而麒麟之封伯實已在前特進侯在仁宗時耳此敘封伯進侯兩事俱在仁宗卽

位下誤

昶嘗有過成祖戒之○按昶有弟旭居鄉驕橫成祖不欲顯斥之故因昶致戒焉見識大錄

張麒附傳子軫早亡○按昇子軫襄府典寶見獻徵錄正德元年令參英國公張懋保國公朱暉提督團營○按世表偉於弘治十二年鎮陝西召還十三年八月領左府正德三年十二月提督團營并三千營管操明實錄亦同此云元年令參提督團營或元年止分領其事三年則專任之耳

子元善嗣

子上增從字

○按世表元善乃鑄從子

孫忠傳初以永城主簿督夫營天壽山陵○按獻徵錄

忠以生員貢太學洪武己卯出爲山西介休主簿有治聲尋以外艱去服除補河南永城主簿

三年皇后胡氏廢貴妃爲皇后封忠會昌伯○按明實錄宣德四年三月封忠會昌伯子孫世襲外戚世表同蓋孫后以三年立忠以四年封耳

孫忠附傳子璉○按璉字國用漳謹不與諸貴游相將母卒哀毀得疾不起年三十六卒見獻徵錄

吳安傳吳安○按安賢妃弟也成化十八年正月卒見明實錄

錢貴傳擢貴中府都督同知

刪中府二字

故后家獨不獲封

不獲改無

以父錦衣故秩予優給

刪錦衣二字

累擢都督同知成化時

改擢都指揮使成化時累擢都督同知

○按雄於

天順元年陞都指揮使成化初晉後軍都督僉事尋轉同知府事見明實錄此云天順改元累擢都督同知誤

乃封承宗安昌伯世襲○按明實錄成化十五年正月雄卒後上念累朝外戚俱有封爵乃封承宗爲安昌伯又弘治二年四月予承宗子孫世襲外戚世表同蓋封伯與世襲係兩事且中間相距已十一年也

嘉靖四年承宗卒

四改五

○按明實錄嘉靖五年正月庚

戌安昌伯錢承宗卒此作四年誤

承宗母請以庶長子維垣嗣

母改妻

○按明實錄承宗妻

請以庶長男維垣嗣此作承宗母誤

杭昱傳昱已前卒敏削職還里

改乃降昱爲副千戶尋卒敏削職還里○

按明實錄天順元年二月降錦衣衛指揮使杭昱爲副千戶此云昱已前卒誤

周能附傳外戚經營私利

經改競

悉擢或子瑋等六人爲錦衣官○按正德二年閏正月

復太保長寧伯周或之子瑋瑄錦衣衛世襲指揮使

琪璘瑄世襲正千戶職瑄特授錦衣百戶從或乞也

見明實錄

王鎮傳上元人○按王氏先世密雲人鎮父鳳始遷籍

於上元見獻徵錄

王鎮附傳弘治六年進侯

六改五

○按獻徵錄弘治元年

戊申推舅氏益祿百石越五年壬子進封侯爵子孫
世襲追封其父鎮爲阜國公母阜國太夫人十六年
癸亥加太保此作弘治六年進侯誤且本傳前云源
父鎮於弘治五年追封阜國公考源進侯與鎮贈公
乃一時事前後不應互異

萬貴傳萬貴

下增諸城人三字

○按萬貴妃列傳云諸城人此

傳亦宜增入

歷官錦衣衛指揮使

刪官字

蒙天子恩備戚屬

刪天子二字

邵喜傳議久不決

下增七年二字

今其爭者

刪其字

明年明倫大典成

明年改會

○按世表蕙以嘉靖六年十二

月卒杰以七年二月襲又按世宗本紀七年六月明

倫大典成頒示天下八年因陸粲疏劾罷桂萼相此

敘杰之嗣伯不書年月而明倫大典成及陸粲論桂

萼事皆以明年統之所載殊未明晰

帝不聽

刪帝字

會給事中陸粲

會改八年

下粲獄

改罷萼相

○按桂萼傳云給事中陸粲極論其罪帝

大悟奪萼官以尙書致仕又按陸粲傳云粲疏論萼

納賄擅權諸罪狀帝立下詔暴萼罪罷其相而以粲不早發下之吏邵杰亦罷襲此云帝怒自因萼之受賂使奴隸冒封爵故耳詳其情事自以萼爲重此作下粲獄未協

張巒傳張巒

下增興濟人三字

弘治四年封壽寧伯立皇太子進爲侯

改弘治三年封壽寧伯五年進

侯

○按獻徵錄成化中皇后爲東宮妃授巒鴻臚寺

卿弘治三年陞都督府同知是年冬封壽寧伯五年東宮立巒得進侯又按實錄巒於弘治三年封伯四年予世襲五年進侯此作四年封伯誤

夏儒傳毅皇后父也

下增上元人三字

○按獻徵錄儒字宗魯

其先上元人永樂間北徙大興縣因家焉

以后父封慶陽伯

刪以后父三字

子臣嗣伯○按明實錄正德元年立后以儒爲錦衣衛指揮使尋進爲中軍都督府都督同知正德二年儒封伯陞皇親夏助爲錦衣衛指揮使夏臣指揮同知獻徵錄儒子三人長助次臣次勳

陳萬言傳大名人

改元城人

○按后妃列傳陳皇后元城人

地理志元城縣屬大名府此作大名人未晰

方銳傳應天人

改江寧人

○按后妃列傳方皇后江寧人考

地理志江寧縣屬應天府此作應天人未晰

陳景行傳先世建昌人

至

遂家焉○按獻徵錄景行字

希哲係出建昌高祖徙浙之青田後調河南安吉衛
又調通州右衛

子昌言嘉言善言名言至其子承恩○按昌言錦衣衛
都指揮僉事嘉言錦衣衛指揮使善言名言俱錦衣
千戶承恩錦衣衛勦衛見獻徵錄

王偉傳王偉

下增餘姚人三字

鄭成憲傳鄭成憲

下增大興人三字

貴妃有寵鄭氏父子宗族並驕恣

刪父子宗三字

主事陸大受

主事改郎中

○按大受本傳萬厯二十五年進

士授行人屢遷戶部郎中明實錄云戶部署郎中事

陸大受上疏明史紀事本末亦云戶部郎中陸大受

此作主事誤

王昇傳王昇○按王太后列傳云順天人畿輔通志云王國興字熙平霸州人

被殺

改自焚死

○按劉文炳傳稱國興焚死畿輔通志亦云

率妻子自焚死此作被殺誤

劉文炳附傳又念瀛國太夫人年篤老至匿之申湛然家○按明史紀事本末瀛國太夫人亦投井死與此互異

新城侯王國典亦焚死

典改興

○按王昇傳及外戚世表

並作王國興

與永固射賊楊光陞者

至

體糜爛以死○按楊光陞申

湛然並賜祀忠義祠

順治九年賜諡諸臣張慶臻專諡忠毅劉文炳專諡忠恪鞏永固專諡忠烈衛時春專諡忠穆

乾隆四十一年賜諡諸臣王國興通諡忠節劉文耀通諡烈愍劉繼祖通諡節愍

列傳第一百八十九 列女一

目錄

高氏

下增女字

鍾氏四節婦

鍾改陶

月娥傳太祖渡江之六年

六改七

○按本紀太祖渡江事

在元至正十四年五月僞漢稱帝兵自上游攻太平

事在至正二十年三月計其前後相距已七年矣此作六年誤

劉孝婦附傳同時甄氏欒城李大妻

大下增林字

○按一統

志作欒城李大林妻此脫林字

諸娥傳孝女諸娥山陰人

改諸娥浙江山陰人

○按地理志有兩

山陰一浙江一山西諸娥見浙江通志

丁氏傳唐方妻浙新昌丁氏女名錦孥

改丁氏錦孥唐方妻浙江新昌人

貞女韓氏傳保寧人

改閬中人

○按四川通志韓氏閬中人

後從王珍破雲南還

至

嫁爲尹氏婦○按四川通志韓

氏自稱韓關保後從王總兵略雲南還經成都叔父

贖歸以適馬氏與此互異又按明玉珍傳玉珍將萬勝有智勇玉珍愛之使從己姓眾呼爲明二玉珍據蜀遣萬勝鄒興又李某者分道攻雲南兩路皆不至惟勝兵深入踰年以孤軍無繼引還不言玉珍破雲南事意當時韓氏所從或卽萬勝耳

貞女韓氏附傳年十三失母○按江寧府志善聰母死時年十二與此互異

姚孝女傳適吳氏

下增父早世迎母養於家八字

○按浙江通志適吳

氏下有父早世迎母養於家二語

吳氏傳充椽於汴

椽改

石孝女傳新昌人

上增浙江二字

○按地理志有兩新昌一浙

江一江西石氏見浙江通志

及女長問母曰我無父族何也

改女長問母曰我何無父族

湯慧信傳水至湯竟溺死○按一統志湯氏悉以資還

鄧族織紉自給年九十三卒與此互異

馬氏傳余佈妻馬氏

改馬氏余佈妻

義姑萬氏傳姑之祖斌及父兄並死王事○按太祖時

斌以功遷龍驤衛百戶從征僞漢陷陣死子鍾襲職

累功遷指揮僉事建文中以拒燕兵戰死子武襲職

永樂中從征交趾戰死弟文嗣職率舟師禦倭遭風

溺死見浙江通志

程氏傳程氏○按程氏本歙縣人家江都見江南通志

王妙鳳附傳適同里朱姓○按江南通志唐氏夫名朱

彥明

嫁汪客之子○按江南通志張氏夫名汪綬

王氏傳王年甫十七

王改婦

○按上文其父母娶婦以慰

之則自以稱婦爲宜傳稱王稱婦稱女殊嫌參錯

女曰

女改婦

姑乃使其二女從容諷之

改乃邀其二弟從容諷之

○按浙江通志

作姑乃邀其二弟從容諷之情事較協

女口不出怨言

女改婦

宣氏傳孫與宣以死相邀○按孫氏送夫喪過河下求見宣宣以死相要遂同日縊死宣被救甦而孫先死

後三年宣疑父母欲嫁之乃登樓縊死時年二十五
見嘉定縣志

凌氏傳張維妻凌氏

改凌氏
張維妻

婦紡績供養二十年不衰○按浙江通志云邑令葉竦
重其節置田五畝資之

胡氏傳鄞縣諸生李珂妻胡氏

改胡氏鄞縣
諸生李珂妻

孫氏傳吳縣衛廷珪妻○按衛廷珪江南通志作韓廷
珪與此互異

列傳第一百九十 列女二

目錄

張氏

葉氏
范氏

○按張氏傳中附載葉氏陳氏范氏死節事

目錄獨遺陳氏於體例未協

歐陽氏傳九江人彭澤王佳傳妻也

九江改彭澤
彭澤改同邑

○按

江西通志歐陽氏爲九江之彭澤人此概稱九江未

晰

方氏傳郡守劉蒞○按劉蒞一統志作劉蒞與此互異

張烈婦附傳又鄭氏安陸趙鈺妻

安陸改沔陽
鈺改鈺下同

○按地

理志安陸一爲郡名後改承天府一爲邑名屬德安

府考湖廣通志鄭氏爲安陸府沔陽縣人其夫名趙

鈺此旣誤沔陽爲安陸又誤鈺爲鈺

夫戲曰

夫改鈺

○按鄭氏夫已於上文書名此處亦應畫

一稱名

王烈婦傳夫嗜酒廢業○按一統志稱王氏夫爲汪姓
王烈婦附傳又許烈婦松江人○按江南通志稱許氏
贅嚴氏子爲壻

沈氏六節婦傳周氏希魯妻○按希魯寧波府志作希
曾

時宗婦死者三十餘人宗婦改族中婦○按宗婦當作族中婦

文義較協

黃氏附傳張罵不絕口○按一統志稱是時張罵不絕
口賊怒割乳剖心投其首河中與此小異

孫烈女傳女亦倚壁死○按是時孫氏以自刎死見泗

州志

胡氏傳二兄袞袞杖死塞上至必欲置二子死○按是

時鍊棄宣府市襄奏成極邊會順與巡按御史路楷

逢嵩意更取袞袞杖殺之復移檄逮襄見識大錄是

袞袞之死已由順等矣

戴氏附傳時甫又有歐茂仁妻胡氏甫又改同邑

胡氏傳胡鄙之胡改氏

邵陽李氏傳李氏邵陽安尙起妻李氏邵陽改邵陽李氏○按目

錄標邵陽李氏而傳中以李氏冠首於體例未協

蔣烈婦傳禮部尙書寶○按寶係南京禮部尙書見獻

徵錄

倪氏傳陳襄妻倪氏至力女紅養姑改倪氏定海人鄞諸生陳襄妻襄早

卒婦年三十無子力女紅養姑

○按浙江通志倪氏爲定海人傳未

詳載且目錄僅標倪氏而傳首冠以陳襄妻三字亦

未畫一

自漬其面

漬改漬

邵氏傳丹陽大俠邵方家婢也

俠改猾

名傾中外

改大恣姦弊

○按識大錄是時方並爲大璫陳洪

畫策得司禮拱與洪皆德之遂居京師作姦納賄不

資拱亦厭而畏其口薦之兩廣帥久而逐之歸所至

把持官府恣爲不法於是居正屬佳允捕置之獄杖

之百不動欲折其足不能乃教獄卒以大槌撻之而

後折旋置之死是方特一枉法無賴之尤者此目爲

大俠且稱其名傾中外殊嫌失當

奎所善推官在坐大笑曰

奎上增應字
坐下刪大字

李氏傳李氏王寵麟繼妻

李氏下增
麻城二字

○按一統志寵麟

湖北麻城人

經四十日

去經
字

眾果蝟集

去果
字

馬氏傳馬節婦年十六歸平湖諸生劉濂

改馬氏平湖
人年十六歸

諸生
劉濂

○按浙江通志馬氏本平湖人劉濂其同邑人

也傳所載未協且目錄僅標馬氏而傳首稱馬節婦

亦未畫一

翁家甚貧

翁又陰納沈氏聘

翁俱改舅

○按婦謂夫之父曰舅本爾雅

各傳敘事皆作舅此獨從俗稱翁未協

王氏傳婦紡績易食

其瑞將鬻婦博羅民家

婦笑而許之

婦俱改氏

陳節婦傳安陸人

安陸改鍾祥

○按地理志安陸一爲郡名

後改承天府一爲邑名屬德安府考湖廣通志陳氏
安陸鍾祥人此僅舉其郡名則竟似德安之安陸縣
矣

王氏傳王氏山陰沈伯燮妻

王氏下增浙江二字

○按地理志山

陰有二一屬浙江一屬山西考一統志王氏浙江山

陰人

伯燮病且憊

刪且字

列傳第一百九十一 列女三

目錄

李氏陳氏

改陳氏李氏

○按江南通志諸書陳氏爲黃日芳

妻李氏其妾也傳所載旣誤目錄遂爾倒置

徐貞女傳有司攝施婦

施婦改徐氏

○按施婦卽徐氏也應

畫一稱徐氏方與下文徐氏被攝句相應

谷氏傳及谷下階

谷故未嘗出閨閣

以谷意不屬茂也

谷母隨之至思舍谷號呼求速死

谷並改氏

于氏傳氏聘簪二

聘上增取字

撫任頸哽咽曰

哽咽改泣

崔氏傳香河王錫田妻

妻上增繼字

○按畿輔通志崔氏爲

錫田繼妻

荆媧傳起鳳大罵不從被殺○按高起鳳賜祀忠義祠

李氏陳氏傳黃日芳妾李氏陳氏日芳知霍正縣崇禎

八年齋計簿入郡

改陳氏霍正令黃日芳妻妾李氏崇禎八年日芳齋計簿入郡

萬氏傳長子承舜泣曰

至

遂負母投於塘○按姚承舜

賜祀忠義祠

石氏女傳隨父守仁寓五河○按泗州志稱石氏卽五

河人其遇害時年十七

唐氏傳女巽跪泣○按女巽湖廣通志作女巽大

倪氏傳蕭來鳳妻倪氏

至

寇至投井死○按蕭來鳳宋

愈亨俱賜祀忠義祠

姚氏傳孫林格鬪死○按姚孫林賜祀忠義祠

李氏傳廣平教授元薦女○按畿輔通志稱元薦爲廣平訓導與此小異

熊氏傳蓋臣自江西歸遇賊被殺○按李蓋臣賜祀忠義祠

雷氏傳長庚乃解所繫條縊於梁○按劉長庚賜祀忠

義祠

張秉純妻劉氏傳秉純絕粒死○按張秉純賜祀忠義祠

列傳第一百九十二 宦官一

傳序

雖間有賢者如懷恩李芳陳矩輩然利一而害百也

雖改

間有彼善於此者終不足贖其撓權干政之罪也

○按懷恩輩雖無惡蹟而

干預朝政故習仍在以賢許之未免溢量

鄭和傳其酋陳祖義剽掠商旅○按瀛涯勝覽載陳祖義本廣東人挈家遁逃遂爲之主時有施進者亦廣東人因和統師至具訴祖義貪橫狀祖義既禽誅進仍回舊港進沒其女代爲將

明史紀事本末卷之五十五
帝赦不誅釋歸國○按明實錄亞烈苦奈兒至京上憫其無知釋之給與衣食命擇其屬之賢者立爲王以承國祀無遣歸國之事與此互異

其前僞王子蘇幹刺者

子改弟

○按明實錄蘇幹刺乃前

僞王弟外國傳亦作老王弟此作僞王子誤

滿刺加古里等十九國咸遣使朝貢○按明實錄是年海外國朝貢者合琉球中山僅十七國與此異

於是和景弘復奉命歷忽魯謨斯等十七國而還○按明實錄及外國傳俱稱和景弘齋詔往使凡歷二十餘國與此互異

榜葛刺之西

至

古佛國也○按五印度之名明以前傳

聞異辭恭讀御製五印度考訛天竺一國分爲東西
南北中五印度皆厄訥特珂克之地北印度實近回
部之葉爾羌過葱嶺卽拔達克山轉而南爲克什米
爾又轉而西爲溫都斯坦又轉而南方爲厄訥特珂
克其道里莫得其詳指示分明足破傳疑之誤此傳
稱帝欲通榜葛刺諸國復命侯顯率舟師以行其國
卽東印度又云榜葛刺之西有國曰沼納樸兒地居
五印度中古佛國也云云顯旣率舟師卽不能至五
印度之地下文又稱遍歷烏斯藏諸國而還與前所
載又相矛盾明代宦官奉使惟所妄稱而不爲考核
舛訛大率如此

金英傳金英者

刪者字

正統十四夏旱命英理刑部都察院獄囚

四下增年字

○按

明時中官會審錄囚始於正統六年維時內監爲興

安至是儀制更僭詳見刑法志

安叱之令扶羗出大言曰

改作于謙力持不可安叱羗出曰

○按是時

徐琨南遷之議力持不可者爲于謙金英興安不過從而和之耳見明實錄及謙傳此所載未的

勸邸王任于謙治戰守

刪于字

金英附傳官其養子王椿○按水東日記瑾養子陳林

授官令從其姓曰王春與此小異

浪以贈門下皇城使王瑤○按王瑤明史紀事本末作

王堯

王振傳又裴可烈等不法○按裴可烈明大政記典故紀聞俱作裴可力明實錄於宣德二年作裴可力宣德六年又作裴可烈

然是時太皇太后賢○按是時太后以振導帝戲游召責之諸女官以刀加振頸振叩頭流血乃免見識大錄

又械戶部尙書劉中敷侍郎吳璽陳瑋於長安門○按中敷等後又下獄歲餘乃釋中敷爲民瑋璽戍邊事在正統六年見明實錄

振乃爲亂兵所殺○按明史紀事本末土木師潰護衛

將軍樊忠從帝旁以所持捶捶死振

給事中王竑等立擊殺馬順及毛王二中官○按馬順
卽附振害劉球者見識大錄毛王二中官皆長隨是
日爲上直軍衛官捶死非百官殺之見水東日記又
王長隨名王貴見明實錄王德疏中

西寧侯宋瑛駙馬都尉井源爲前鋒

改西寧侯宋瑛武進伯朱冕總大同

兵

○按明實錄正統十四年七月癸巳大同總督軍

務西寧侯宋瑛武進伯朱冕與敵戰於陽和全軍敗
沒至八月壬戌土木師潰井源死焉是井源不與宋
瑛同敗死又瑛乃總督大同軍務亦非前鋒此所載
誤

曹吉祥傳降敕徧諭羣臣

羣臣改勳戚

○按明實錄時帝降

敕訓誡者爲公侯駙馬伯都督等官乃止諭勳戚諸臣非徧及羣臣

帝命懷寧侯孫鏜西征

侯改伯

○按鏜本封懷寧伯以討

曹欽功始進侯爵其西征時尚未封侯也

鏜遣二子急召西征軍○按是時鏜遣二子孫輔孫軌給征西軍士曰刑部獄囚反獲者重賞衆乃聚至二千人始告以故時已黎明矣見獻徵錄

至獨石參將楊俊禽寧送京師○按喜寧本司設監太監時楊俊誘之至獨石城下爲總旗高斌金抱持墜入濠中遂禽之見明實錄

懷恩傳正人彙進恩之力也

改士大夫願以是稱恩

○按孝宗擢

任正人由其明於用舍傳概以爲懷恩所援進未免

失實

弘治之世政治醇美君德清明端本正始吉有力焉

改吉

在諸龜中雖稍醇謹而當時乃以孝宗政治醇美歸功於吉之端本正始則謬矣

○按孝宗

爲明中葉令辟由其天資醇厚原傳乃以端本正始之力歸功一老內監其論未允

汪直傳楊暉故少師榮曾孫也

至

匿姊夫董璵所○按

明實錄暉至京卽主韋瑛家爲瑛所給又董璵明實

錄作董序均與此異

妄言寄金於其叔父

至

士偉所

士改仕下同

○按楊士偉明

實錄屢見俱作仕偉又有其從弟名仕倣則仕字乃其排行此作士偉誤

參政劉福等○按參政劉福明實錄作浙江左布政使與此異

而左都御史方賓亦失直旨褫職

方改李褫職改致仕

○按明實

錄及七卿表時左都御史爲李賓此作方賓誤又賓以自陳致仕並未褫職

小中官阿丑工俳優○按是時保國公朱永役兵治第阿丑於上前爲楚歌曰張子房一歌而散楚兵六千人旁人曰楚兵八千何止六千對曰其二千在保國公家作第耳永懼罷役見王世貞別集

則
三
十五
罷西廠不復設至降直奉御○按罷西廠在成化十八
年三月直降奉御在十九年其時言官爲御史徐鏞
見明史紀事本末

而陳準代爲東廠○按準掌東廠有欲入人罪者令準
按之準不忍逡巡屢日閉門自經見貂璫史鑑

梁芳傳見累朝金七窖俱盡○按王鰲震澤紀聞載此
事稱內府積金十窖俱罄懸與此稍異

梁芳附傳信妖人王臣○按臣本錦衣衛千戶見貂璫
史鑑

何鼎傳是時中官多守法多守改
頗畏○按是時孝宗嚴明

中官特畏之而不敢肆非眞能守法也

至世宗朝年九十餘始卒

改在正德間交通宸濠坐下獄贖免至世宗朝年九十餘

始卒

○按貂璫史鑑蕭敬正德中與宸濠通下獄贖免

李廣傳幼公主殤○按時幼公主患痘廣飲以符水而

遂殤見貂璫史鑑

蔣琮傳孝宗時守備南京○按琮於成化十五年管海子嘗以潛留私宅事爲尙銘所發執送鎮撫司究問見明實錄

御史伊宏○按伊宏明實錄作尹宏

素惡南京御史劾己○按吉曾於弘治初爲南京給事中方向御史陳嵩等所劾以雷震孝陵松樹也見姜綰傳及明實錄

劉瑾傳人號八虎而瑾尤狡狠○按是時又號瑾等爲八黨見獻徵錄

罷中官監鎗

鎗改倉

○按是時方命內官監視倉庫劉健

等具疏力爭見明實錄

王岳者素謇直

改岳久侍帝東宮

○按王岳嫉瑾等之姦雖尙

知所惡然究出於同黨相傾未可遽褒以謇直據貂璫史鑑改

而夜收岳及亨智充南京淨軍○按泳化類編太監李榮亦與岳等同降充南京淨軍

郎中劉繹張瑋尙寶卿顧璿○按鴻猷錄作主事張偉尙寶卿崔璿與此互異

部曹則郎中李夢陽○按是時李夢陽爲韓文草疏稿故亦入姦黨見琬琰集

又令六科寅入酉出○按明史紀事本末作辰入酉出其年夏其改三

召百官跪奉天門下奉改承○按匿名書事在正統三年

六月上文但標明二年此處又稱其年紀載未晰又承天門誤作奉天門俱據明實錄改

所遣人率阿瑾意專務搏擊○按是時以重劾阿瑾意者給事中李漳御史仇惠喬岱等見明實錄

浙江鹽運使楊奇逋課死至鬻其女孫

改御史彭程逋浙江鹽課死至

鬻其女孫○按明實錄正德四年七月戶部覆奏兩浙鹽

課應賠負課各官有御史彭程運使楊奇二人下又
云時奇已死其妻訴家貧戶部請貸不許程以言事
謫戍死久矣有司奉例追併罄家不能償僅一孫女
鬻之富民不復議婚媾禮瑾之苛虐如此據實錄此
文是鬻女孫者乃彭程而非楊奇原傳當以實錄敘
二事相連采掇致誤

以焦芳惡華故也

改以焦芳惡彭華也

○按焦芳惡華故也語意

未晰考焦芳傳亞劉本江西萬安人事發方下所司
勘奏芳卽署其尾曰江西俗多玩法如彭華等多被
物議宜裁解額並禁授京秩是芳所惡者蓋彭華也
此僅稱名未協

祭酒王雲鳳請編瑾行事著爲律令○按雲鳳並請瑾臨視太學如唐魚朝恩故事見明史紀事本末

欲因誅瑾一清爲畫策○按楊一清傳稱一清勸永誅瑾永有難色一清力勸之且教以流涕固爭永意乃決與此微異

妄言瑾從孫二漢當大貴

孫改子

○按明實錄二漢實瑾

姪焦芳傳同此作從孫誤

因奏瑾不法十七事○按明實錄不載永所奏瑾不法十七事而有科道官所劾瑾罪十九事一剋害軍民二私藏軍器三掘郊壇土以造室四沮格詔旨五復寧王護衛六奏事皆專決七私行占候八濫罪良善

九擅行封爵十任意黜陟十一裁兵釀盜十二以私
怨籍沒大臣十三廣通賂遺十四奪各官誥敕十五
罰官員米石十六以嚴刑箝天下口十七以緝事騷
動天下十八擅增陝西解額十九增立改文就武名
目當與永所奏大同小異

張永傳實非有不法也

改尚非張忠比也

○按永聽張忠等搜

捕妄殺江西騷然亦未爲無過此特以其能保全王
守仁曲加回護不免抑揚過情

谷大用傳張佐鮑忠麥福黃錦輩○按黃錦河南人世
稱三黃太監爲世宗鍾愛不離左右最久見泳化類

編

故內臣之勢惟嘉靖朝少殺云

改故嘉靖朝雖內臣權勢尚在然其害視他時

差減云

○按陸容菽園雜記稱內官濁亂朝政嘉靖年

無之然其權寵猶在嘗在金水橋候旨見司禮太監黃錦出奉天門於高臺上微動一手諸大臣皆折腰其勢燄燠人如此云云是嘉靖間內臣之勢亦未能盡殺特顯然爲惡者差少耳

明史攷證攬逸卷三十五

明史攷證擴逸卷三十六

長洲王頌蔚編集

列傳第一百九十三 宦官二

李芳傳芳以能持正見信任

改芳卽受知
頗見信任

○按芳事穆

宗雖差勝於同類然以能持正許之未免稍過

而是時司禮諸閹滕祥孟冲陳洪方有寵○按明實錄
滕祥乃御用太監未掌司禮與此互異

給事中石星李已陳吾德御史詹仰庇尙寶丞鄭履漳
皆廷杖削籍○按陳吾德傳時命中官崔敏市珍寶
李已執奏不從吾德復偕已上疏帝怒杖已百錮獄
斥吾德爲民是吾德未經廷杖與此稍異

馮保傳斥孟沖而奪其位○按胡濙傳神宗卽位之六日命馮保代孟沖掌司禮監是保代沖在神宗登極後與此稍異

所昵孫海客用○按時慈聖太后使保捕孫海客用杖而逐之見張居正傳又按馬經綸傳有萬厯二十二年五城御史籍中官客用家事是客用後復召還旋以得罪又被籍也

居正以遺疏薦其座主潘晟入閣○按張居正傳稱潘晟爲馮保所受書者故強居正薦之而此傳則謂晟爲居正座主蓋薦晟本出保意居正又以座主故曲徇之合兩傳參觀情事乃備

東宮舊闈張鯨張誠乘間陳其過惡請令閒住○按李沂傳稱言官競劾張鯨時或謂鯨罪不至如馮保以張誠掌司禮素德保故授意言者發之云云誠旣德保不應陳其過惡核其情事與此互異

張鯨傳二十四年春以誠聯姻武清侯擅作威福降奉御司香孝陵○按馬經綸傳張誠失帝意會誠家奴錦衣千戶霍文炳當遷指揮僉事帝以是罷之斥逐三十餘人事在二十三年與此微異

而其用事司房邢尙智招權受賕

司房改私人

○按職官志

提督東廠太監一員掌班領班司房無定員又稱內官司禮監如外庭元輔掌東廠權如總憲各設私臣

明史三十一
掌家掌班司房等員據此司房乃太監之屬闡參考
諸書及列傳邢尙智本入張鯨幕中用事之人如徐
爵之於馮保並非宦者不可稱司房

陳增傳鹽務少監魯保亦奏守訓等阻塞鹽課○按郭
正域傳兩淮稅監魯保請給關防兼督江南浙江織
造沈鯉持不可正域亦力爭明史紀事本末又有歙
縣監生吳養晦投稅監魯保之文是保亦兼領稅監
陳增附傳遂誣襄陽知府李商畊○按明史紀事本末
作荊州知府李商畊

武昌兵備僉事馮應京劾奉十大罪○按馮應京傳稱
應京抗列奉九大罪互異

梁永傳知縣宋時際怒勿予○按宋時際華珏傳作宗時際明史紀事本末作宋時隆互異

陝西巡撫顧其志盡發其姦○按余懋衡傳時梁永慮軍民爲難召亡命環甲自衛御史王基洪聲言永必反具陳永斬關及殺掠吏民狀巡撫顧其志頗爲永諱永乃藉口辨與此情事互異

梁永附傳誣劾尋甸知府蔡如川○按明史紀事本末作雲南知府蔡如川

陳矩傳爲人平恕識大體

改爲人頗以平恕稱

○按陳矩在內官

中雖稍稱平恕至許以能識大體未免過實

自朝房至勳戚大臣門至謀易太子○按續憂危竝議

內尙有陳汝忠鄭國泰二人之名此未載

矩正色拒之

改矩拒不肯聽

○按矩不肯誣陷沈鯉等亦迫於

公論而然未可謂之正色拒絕原傳未允

御史曹學程以阻封日本酋關白事

至

竟得釋○按曹

學程傳學程久繫獄遇赦不原救者率不聽三十四
年九月始用朱賡言謫戍湖廣寧遠衛與此稍異

魏忠賢傳變姓名曰李進忠○按忠賢初名進忠與李

選侍心腹閹李進忠者本屬二人以楊漣疏參及忠

賢忠賢求救於王安安爲委罪於選侍宮中之李進

忠以飾外廷外廷不能辨也見明史紀事本末

廕其子侯國興弟客光先及忠賢兄釗俱錦衣千戶○

按明史紀事本末作加客氏子國興錦衣指揮使與此作千戶異

逐魏朝○按朝被逐後忠賢矯旨發鳳陽縊殺之見明史紀事本末

引其私人魏廣微爲大學士令御史郭鞏引下刪其字御史改給事中○按郭鞏遷安人本官給事中見周宗建傳此作

御史誤

向高及禮部尙書翁正春改葉向高及掌詹事翁正春○按楊漣上

疏在天啟四年時禮部尙書爲林堯俞繼之者爲薛三省非翁正春明史紀事本末則稱詹事翁正春考之正春本傳蓋以禮部尙書協理詹事府事非眞長

禮部也

呈秀乃造天鑒同志諸錄

至

獻於忠賢○按天鑒錄皆

閹黨名姓有真心爲國不附東林橫被排斥久抑林
野冷局外轉諸目凡一百三人同志錄皆東林黨人
所列政府十一人部院五十七人卿寺十三人臺省
七十六人部曹四十一人藩臬以下二十六人貲郎
武弁山人二十一人點將錄以坊行水滸傳晁蓋及
宋江等一百八人天罡地煞之數分配東林諸人姓
名

中書吳懷賢

至

籍其家○

按明史紀事本末懷賢見楊

漣疏擊節稱快旁注曰當如任守忠卽時安置同官

傳應星入告忠賢卽逮下獄拷死與此互異

武弁蔣應陽爲廷弼訟冤立誅死○按明史紀事本末材官蔣應陽以熊廷弼下獄代爲投揭白冤復入監左右之忠賢緝獲以所攜圖畫指爲妖書寘之重辟評事許志吉○按明史紀事本末作太僕寺丞許志吉又作太僕寺副皆與此異

又吏部尙書周應秋至又有十孩兒四十孫之號○按十狗十孩兒姓名史未臚載其見於列傳者十狗祇有周應秋曹欽程二人十孩兒祇有李魯生石三畏二人

而薊州道胡士容至皆下獄論死○按明史紀事本末

胡士容以崔呈秀薦其妾弟蕭惟中爲守備不從欲
建祠於薊州又不聽遂激忠賢怒下獄與此稍異
偶出歸私第騶從赫奕照衢路望若鹵簿○按時客氏
在宮中乘小轎如妃嬪禮往私宅內侍王朝忠等數
十人著紅玉帶前驅客氏乘輿由嘉德門經月華門
至乾清宮前亦不下輿侍從呼殿之盛遠過聖駕鐙
炬簇擁熒然白晝在外或住旬日忠賢促之始入出
入皆以五更見明史紀事本末

斥應元○按崇禎遺錄信府承奉徐應元王國用皆忠
賢黨上卽位命以潛邸服玩器用賜皇親劉效祖周
奎二人匿其半他日較射上見應元棕帽金頂乃潛

邸物詰責之應元惶恐謝於是并國用禡逐之與此稍異

王體乾附傳行十五萬金於體乾及司禮王永祚王本政求援○按明史紀事本末永貞聞忠賢敗餽太監王體乾王永祚王文政各五萬金懼泄以獻內承運庫其情事相合惟王本政作王文政

善書好學有文

改儕輩中頗知書

永貞多密謀

至

見者憐之

改永貞驪通文墨以若愚識典故每事多諮訪之頗預聞

其密謀忠賢敗楊維垣首劾永貞并及若愚佐逆狀充孝陵淨軍已御史劉重慶以李實誣高攀龍等七人事劾實實疏辨言係空印紙乃忠賢逼取之令永貞填書者帝驗疏墨在朱上遂誅永貞而韓曠等定逆案以若愚刀筆深文明姦害政坐大辟若愚既長繫囚作酌中志四卷以自飾久之竟得釋時以爲失

刑云○按劉若愚爲李永貞黨崇禎初定逆案在首逆同謀中原傳乃以其曾作酌中志自白己冤遂信爲實然曲加開脫殊爲是非失當據明史紀事本末諸書改

張彝憲傳乃復思用近侍○按明史紀事本末是年九月又命太監唐文征提督京營戎政十一月以太監李奇茂監視陝西茶馬吳直監視登島兵餉又李曰輔傳時又命張國元監軍東協王之心中協鄧希詔西協

高起潛傳在內侍中以知兵稱帝委任之改不知所自進帝數以兵柄委○按起潛自在兵間未嘗決一死戰畏葸觀望之

欺罔冒功以致明社淪胥實爲罪首安可謂之知兵
原傳殊爲失當

在邊鎮者悉名監視○按明史紀事本末時監視之設
止多一扣餉之人監視欲滿則督撫鎮道皆有所恃
以飾功掩過故邊吏皆樂有監視而上方倚任中官
不察也所言弊竇較此爲詳

八年○按八年冬十一月起潛弟廕錦衣衛中所正千
戶世襲見明史紀事本末

守城諸璫縋之上○按時守陵太監申芝秀自昌平降
賊亦縋上入見備述賊犯上不道語請遜位上怒叱
之見明史紀事本末

王承恩傳本朝賜地六十畝建祠立碑旌其忠附葬故

主陵側

改本朝因禮部議立碑祠祀以旌之附葬莊烈帝陵側

○按承恩立碑

祠祀由禮部議明末殉難諸臣而并及之恭載世祖

章皇帝實錄

列傳第一百九十四 閹黨

焦芳傳怨劉健尼己○按是時李傑亦自翰林出爲南
祭酒服闋待除徐溥欲還傑故官劉健不可曰焦芳
日夜伺此今日援傑他日能拒芳耶溥不聽及傑入
芳亦兼程至因授太常少卿兼學士見識大錄

會文升去○按文升致仕在正德元年四月見明實錄
芳陰洩其謀於瑾○按上疏時文等告芳芳佯曰我大

臣也知格君心而已及帝召諸臣左順門芳故曳履徐行曰今日之事爲首者當之是日帝不得已允文等奏待明旦發旨捕瑾等下獄會日暮芳卽馳白瑾且洩羣臣詰朝伏闕之謀其事乃變見明史紀事本末

俄進編修○按四年七月內批陞黃中編修見明實錄因下四人詔獄○按是時劉宇阿瑾意劾有司訪舉失實遂下四人詔獄見明史紀事本末

而榜逐餘姚人之爲京官者○按是時周禮等四人並戍邊見明實錄

宜裁減解額五十名○按芳旣裁江西解額復增河南

陝西山西山東各三十餘名會試南北有定額乃以四川入南卷而均南北各一百五十名見明實錄

數於眾中斥芳父子○按土官岑濬沒入家口當給賜大臣芳聞濬妾美求得嬖之至與妻操刀相賊而黃中乘芳卧病烝焉瑾聞其事於眾中斥之會南司業缺芳欲擠汪俊爲瑾所斥愈媿沮寘鐸初平禮部以黃中充頒詔使瑾復於左順門斥芳芳乃乞歸見識大錄

焦芳附傳入爲左都御史○按宇總督宣大時論功加太子少保及入爲左都御史加太子太保見明實錄尋轉兵部尙書○按宇爲兵部託保國公家人朱瀛者

日通瑾凡司員有不附己者宇必使瀛言於瑾令外
補兵部郎中楊廷儀廷和弟也尤諂事宇廷儀能文
宇章奏皆廷儀爲之見明史紀事本末

張綵傳安定人

安定上加鞏昌二字

○按地理志安定有二一屬

延安一屬鞏昌皆隸陝西考識大錄綵鞏昌安定人
與戶部右侍郎韓鼎同廷謝○按綵廷謝後詣瑾瑾預
置酒待謂綵曰今日非都憲我幾爲老韓羞死自是
相倚愈深見明史紀事本末

其他因賄得禍者甚衆○按貂璫史鑑瑾納綵言晝暮
夜卻金故事於門外人咸以爲笑及有因賄得罪者
乃知由綵謀益惡之

苛斂之害爲少衰中外或稱綵能導瑾爲善矣

改然瑾貪斂卒

莫之改而人愈以此惡綵險譎矣

○按明史紀事本末稱瑾雖納綵

言然終莫能改此稱其苛斂少衰未協且綵教瑾此舉借詭譎之謀爲掩覆之計謂其導瑾爲善尤失實

改擬同瑾謀反瘐死獄中○按貂璫史鑑瑾一日語綵

曰今天下之怨集於予且奈何綵曰主上無子勢必

立宗室子若長且賢公受禍矣不如援幼弱者瑾曰

善居數日語綵曰無以宗室爲也吾自取之綵告不

可瑾怒擲以茗盤綵不敢言及瑾敗卒坐同反

顧秉謙傳遂與朱國禎朱延禧俱入參機務

禎改

○按

國禎字文寧見通鑑輯覽

晉少保

下增改中極殿四字

○按宰輔年表秉謙以五年九月晉

左柱國少師改中極殿大學士

顧秉謙附傳給事中魏大中御史李應昇連劾之○按大中劾廣微廣微上疏自理應昇疏繼上語尤切直且引失誤朝賀答四十祭奠失儀杖一百律嚴旨切責之見明史紀事本末

令眾輔分任○按是時帝諭內閣令次輔等分票各本勿得袖手坐視伴食依回蓋廣微求忠賢爲之也見文秉先撥志始

楊漣等六人之逮也

至

亟請廣微諫止○按漣等之逮

在天啟五年六月景榮卽以七月免歸見明史紀事

本末

廣微益懼至然廣微卒不自安○按先撥志始涿州馮
銓始出廣微幕下廣微甚相推引銓復結好忠賢謀
入閣忠賢因令王體乾侍上時舉甘羅故事銓又令
御史張樞疏催枚卜內有黑頭相公英妙未可少也
等語廣微忌之具揭忠賢阻其枚卜銓入相後遂與
崔呈秀等暗毀廣微適廣微有救楊左之揭忠賢怒
遂不可解

初矯旨罪主考丁乾學○按乾學官檢討典試江西策
問中引汪直劉瑾忠賢怒降級調外未及赴會錦衣
僉事高守謙與乾學有宿怨遂嗾忠賢使緹騎擁入

乾學寓矯稱有詔乾學方俯伏守謙等立斃之見明
史紀事本末

以本官兼內閣大學士

內改東

○按職官志明制無內閣

大學士凡初入閣者率加東閣大學士此作內閣誤
宰輔年表亦作東閣

崔呈秀傳明年八月冒寧錦功加太子太傅

八改七

○按

七卿年表呈秀之加太子太傅在七年七月其加少
傅兼太子太傅遷兵部則八月事也

御史楊維垣賈繼春相繼力攻○按是時繼維垣等劾
呈秀者爲南京兵部侍郎潘如禎給事中許可徵等
見明史紀事本末

崔呈秀附傳林梓橋

梓橋改枝喬

○按明實錄先撥志始俱

作林枝喬此誤

再劾戶部侍郎孫居相御史夏之令及故吏部尙書崔景榮吏部尙書李宗延等數十人○按明史紀事本末是時如尙寶少卿史記事戶部主事李孔度中書舍人吳之瑞刑部侍郎朱世守太常少卿金世俊江西按察使米萬鍾薊州參議王繼謨皆先後爲文煥所劾者

遷淮揚參議○按吉遷淮陽參議時不欲外出言之忠賢格部疏不下尙書周應秋希指留部擢用遂遷太常少卿見山書

決不待時者六人

決不待時改減等論斬

○按莊烈帝所定逆案

內開首逆同謀崔呈秀等六人依謀大逆但其謀者不分首從皆凌遲處死律減等論斬並非決不待時也且六人中除崔呈秀李朝欽先期自縊外惟魏良卿侯國興李永貞案法棄市劉若愚則長繫久之旋得釋當時且指爲失刑則其非決不待時尤明矣此所載誤

劉志選傳志選惑家人言謂已老必先忠賢死竟上之○按志選疏末復云廠臣殫忠弼亮協贊中興今有伏莽之姦藏頭露尾投間抵隙思爲一網打盡之計伏乞敕下緝事衙門嚴拏究治見先撥志始蓋卽指

明史紀事本末
卷三十一
三
匿名榜也

未幾志選疏頌要典

未幾改七年

○按通鑑輯覽志選疏頌

要典在天啟七年而慎行本傳稱慎行爲志選所劾
謫戍寧夏未行而莊烈帝卽位其在七年無疑此僅
泛稱未幾而於下九行方系以七年則此一節竟似
六年事矣

七年

七改是

其年

改未幾

劉志選附傳歷官御史○按夢環爲御史先後誣劾兵
部侍郎唐世濟御史張潑徐如翰兩廣總督何士晉
給事中程柱沈惟炳並獲重譴見明史紀事本末

顧事重忠賢亦不能驟行○按是時忠賢將從中究其事大學士李國櫓及王體乾交沮之事乃已見明史紀事本末

且詔建祠薊州○按薊州生祠成兵備副使耿如杞見其像垂旒執笏惡之長揖不拜詔卽劾之逮下鎮撫司掠治旋送刑部尙書薛貞生以大辟論斬見山書久之起故官○按明實錄輔忠起故官天啟元年官順天府丞是時奄人劉朝田詔坐盜寶繫獄論死忠賢矯旨移之司禮監給事中毛士龍糾之事幾寢忠賢恨次骨至九月士龍與御史王允成李希輔孔先後劾輔忠姦貪輔忠大懼朝等因誘以超擢令攻士龍

輔忠遂誣訐士龍貪淫諸罪於是士龍除名而輔忠亦落職閒住士龍傳所載亦同

諸姦黨攻擊正人多其所主使○按蘇民因逮周順昌擊緹騎時輔忠貽書巡撫毛一鷺曰急以文震孟姚希孟入告少宰虛席以待會一鷺業已禽顏佩韋等五人具獄事乃已見明史紀事本末

謀之吳漳夫等先擊去銓○按是時杰等與漳夫及盧承欽李燦然王業浩劉徽等合謀令陳朝輔先發漳夫繼之遂攻去銓及袁鰲與劉徽先後攻紹徽紹徽覺其謀遂於辨疏中發之曰有所推轂則必有所摧折者此也衆懼忠賢知之乃寢其事見明史紀事本

末

曹欽程附傳訥爲忠賢鷹犬前後搏擊用力多忠賢深德之○按是時忠賢懷逆謀憚瑞惠桂三王在內訥卽疏趣之藩三王遂行見明史紀事本末故崇禎二年所定逆案訥罪狀有桐封迫遣陰贊逆謀之語首劾罷戶部侍郎孫居相等○按是時與居相並被承欽劾罷者爲太僕少卿徐夢麟大理卿曹珍工部侍郎董應舉給事中李遇知見明實錄

請以黨人姓名罪狀榜示海內○按承欽是疏在天啟五年十二月於是黨籍刊而三朝要典之議起見明史紀事本末

由臨淮知縣擢御史○按大學士朱國禎之去也由徽與李蕃所劾見明史紀事本末

後與三畏訥承欽克新徽並入逆案○按崇禎二年所定逆案鉗罪案云通內得選北道參解學龍侯恪至於削奪

王紹徽附傳應秋其首也○按應秋父事忠賢先後頌忠賢至三十九本見山書

霍維華傳每陳奏必頌忠賢○按維華覆忠賢敘功疏有茅土尙覺其輕語聞者咋舌見明史紀事本末

七年駱馬湖淤○按駱馬湖淤河渠志作八年此作七年互異

霍維華附傳忠賢敗被劾罷○按劾罷蓄者爲給事中
顏繼祖御史王之朝見明史紀事本末

主事呂下問治徽州吳養春獄株累者數百家○按是
時下問與大理寺丞許志吉窮治其事蔓引慘毒萬
程不忍力爭不得遂棄官去徽民激變而忠賢以發
姦論功廕錦衣指揮見明史紀事本末

閻鳴泰傳鳴泰不能有所爲○按通鑑輯覽稱是時承
宗亦察鳴泰無實略軍事多不與議鳴泰怏怏求去
承宗亦引疾帝乃罷鳴泰慰留承宗

巡按張素養建之宣府大同

巡按下
添汪裕

○按明史紀事本

末及先撥志始稱是時宣大建祠巡按爲汪裕張素

養且逆案內汪裕罪案云建祠守祠諛頌七疏元臣
功德天崇本有廠臣德耀乾坤勲在社稷等語

應天巡按宋禎漢○按宋禎漢明史紀事本末作宋禎
模

每一祠之費多者數十萬少者數萬○按諸祠窮極工
巧像皆沈香木爲之眼耳口鼻宛轉如生腹中肺腸
皆金玉珠寶所爲髻空穴其一以簪四時香花一祠
像頭稍大匠人削之小豎抱頭慟哭責匠人見明史
紀事本末

而都城數十里祠宇相望○按是時潘汝禎建祠浙江
巡按劉之待會稿遲一日卽削籍見通鑑輯覽薊州

道胡士容不具建祠文矯旨逮治爲許顯純掠治論死見明史紀事本末

稱以堯天帝德

帝改舜

○按帝德通鑑輯覽作舜德

監生陸萬齡至謂孔子作春秋忠賢作要典孔子誅少正卯忠賢誅東林○按先撥志始萬齡疏具之俊爲奏請中旨許之之俊復榜於通衢曰魏上公之功在禹之下孟子之上明史紀事本末稱莊烈帝嗣位後之俊疏劾萬齡下之獄蓋始則徇萬齡以媚逆璫繼乃借一劾以掩前罪故之俊於逆案竟得漏網

賈繼春傳遂引交結近侍律坐徒三年自恨死

律改又次等年

下刪自恨二字

○按逆案之定除首逆同謀及逆孽軍犯而

外凡外廷諸臣皆引交結近侍律特依本律者論斬而次等又次等則其罪亦遞減繼春依交結近侍又次等者故止坐徒此所載小誤

田爾耕傳又與許顯純崔應元楊寰孫雲鶴有五虎之

號

虎彪

○按是時爾耕等人目爲五彪五虎則文臣

崔呈秀等也見忠賢本傳此誤

毒刑鍛鍊○按顯純之希指斃漣等也每一人死卽剔喉骨貯一小匣送忠賢以示信見先撥志始

明史攷證擴逸卷三十七

長洲王頌蔚編集

列傳第一百九十五 佞倖

紀綱傳誣逮浙江按察使周新致之死○按綱使千戶緝事浙中作威受賕周新捕治之千戶脫走訴綱綱遂誣逮新旗校皆錦衣私人在道撈掠既至致之死事詳明實錄及周新傳

吳中故大豪沈萬三洪武時籍沒所漏貲尙富○按開國臣傳載萬三名富其弟萬四名貴以力田致富明祖初起萬三兄弟獻金佐軍用後其孫漢傑玠等皆讀書仕宦未詳其籍沒事與傳互異

其黨敬江謙春瑛等誅譴有差○按明實錄時丁鉦亦
以母喪預慶成宴被劾帝始悟其姦邪戍邊

門達傳倚錦衣官校爲耳目○按明實錄天順二年冬
十月李賢請罷錦衣官校刺事帝不許於是杲達等
勢益熾

門達附傳杲所遣校尉誣寧府弋陽王奠壘母子亂○
按明實錄殺弋陽王奠壘爲天順五年夏五月事維
時令奠壘兄奠培具實以聞且遣官與杲按問

寧王奠培等亦言無左

驗寧靖

改○按諸王傳稱靖王奠

培後爲布政使崔恭所劾削奪此作寧王誤

達大喜立奏聞請法司會鞠填午門外○按大事記楊

塤一作楊瑄爲彩漆軍匠時達逼瑄供李賢主使瑄陽諾且曰我言於此無人證見不若請鞫於廷達信之以聞此又一說

綸敗○按王綸爲東宮內侍嘗從侍讀學士錢溥受學英宗疾綸私詣溥計事及英宗崩綸又衰服襲貂憲宗惡之下獄

言官交章論其罪○按達坐調都勻衛左都御史李賓疏其罪當正國法乃論斬初門達廷訊時負故強辯至賓前則曰公直訊我遂引服見明實錄

李孜省傳孜省緣是恨廷臣甚○按憲章錄時工部主事張吉上疏斥李孜省僧繼曉等罪惡戶部主事周

軫兵部郎中崔陞中書舍人丁璣等亦上疏力言俱不報故攷省恨廷臣甚曰事構逐

其年十月再復左通政益作威福○按時言者多觸上怒書姓名於屏者六十人吏部不敢推陞見憲章錄
謫攷省常恩玉芝珙中經戍邊衛○按是時四川番僧國師法王等俱追奪誥敕印信發回四川光相寺其吏部尙書李裕右都御史劉敷禮部侍郎黃景皆以附李攷省故罷黜見憲章錄大事記諸書

繼曉傳員外郎凌俊請斬芳繼曉以謝天下凌改林○按是時劾繼曉者爲林俊見識大錄及明實錄此作凌

俊誤

始勒爲民○按明實錄給事中李俊上疏攷省繼曉輩
尤中外所切齒乞行斥逐庶天變可回帝不得已勒
繼曉爲民

江彬傳七年賊漸平遣邊兵還鎮大同宣府○按朱國
禎江彬亂政記時威寧伯仇鉞言邊兵久勞人馬俱
病今賊漸平請留三之一餘遣還邊下廷議乃以劉
暉等所部各千人益以內地兵五千人分屬之留鎮
守餘軍俱遣還

賜斌泰國姓

斌改彬

○按明實錄是時江彬許泰皆賜國

姓此作斌泰誤

越二年遷都督僉事○按彬前征流賊次新河縣不進

明倫彙編 家範典 第三十一
及盜去乃殺居民以冒首功累爲言官所劾至是給事中潘塤核實以聞上不之罪見江彬亂政記

永平知府毛思義忤彬下獄謫官○按是時永平知府毛思義下令謂大喪未舉聖駕必不遠遊此皆姦徒矯詐煽惑人心百姓其各安業非有府部撫按文書敢稱駕至擾民者捕治之武宗聞之怒遂下獄見大事記

御史劉士元陳四不可不報○按是時指揮黃勳以供應擾民士元按治之勳逃至行在因嬖幸人譖於是縛士元至軍門杖之仍繫獄見明實錄

且極言酗酒當戒○按武宗嗜酒左右欲乘昏醉市權

亂政常置酒以待俟少醒卽奉以進或未溫輒冷飲之凡事顛倒皆以此故金言不可者九無待強聒所戒者一莫甚於酒最警切見江彬亂政記

遂得疾○按武宗及臨清召太醫自京中至內侍密問狀曰病亟矣可及還內耳及彬問則佯對曰何害行卽愈矣見大事記

礫彬於市○按各鎮奏報有爲彬壅滯二三歲不得達者彬旣執一時赴鴻臚寺投進者凡九十九封赴通政司者九藏彬家及鎮國府者又三十餘封見江彬亂政記

錢寧傳爲寧王宸濠營復護衛○按朱國禎錢寧記寧

於石徑山造寺窮極奢麗導上遊幸及通宸濠爲江
彬所覺彬私令寧掌衛事居中不及從上出彬日譖
之寧寵衰

陸炳傳鸞憂懼死至剖棺戮屍○按大事記上收鸞妻
孥下獄拷訊問反狀妻素識炳曰夫君有謀惟公知
之何問我衆皆失色炳恚甚遂成鸞獄剖棺戮屍傳
首九邊

積貲數百萬至勢傾天下○按炳於西湖建乳孃廟立
宣公書院皆極崇麗別宅分置姬妾田園徧臨清揚
州南昌承天等處勢傾天下威行宮省中外不稱官
不稱號直曰陸堂云見朱國禎陸炳記

邵元節傳世宗嗣位

至

日事齋醮○按明實錄嘉靖二

年閏四月始修醮宮中時給事中劉最劾崔文左道
下獄謫戍後乃齋醮無虛日命夏言充監禮使湛若
水顧鼎臣充引導官自此詞臣都以青詞干進

顧可學傳二人皆褫官奪謚○按是時徐階草遺詔方
士悉付法司論罪故可學端明等亦俱褫官奪謚見
明實錄

列傳第一百九十六 姦臣

胡惟庸附傳久之進左御史大夫○按明史紀事本末
陳寧於九年同汪廣洋糾奏李善長善長父子徒跣
謝罪上命釋之尋拜寧爲御史大夫

嚴嵩附傳以考察謫東平州同知○按文華初爲主事有貪名出爲州判以賄嵩復入爲郎見明史紀事本末

植與嵩鄉里嘗勸嵩殺楊繼盛○按明史紀事本末繼盛繫獄每出朝審諸內臣士庶共指曰此天下義士國子司業王材詣嵩曰人言籍籍謂繼盛且不免公不憂萬世耶嵩曰我行當救之令其子世蕃謀之胡植鄢懋卿曰此養虎遺患也植亦言不可嵩遂決意殺之

溫體仁傳遂用給事中許譽卿事逐之去○按綏寇紀略震孟初入閣體仁有票擬必請正有改必從震孟

曰溫公虛懷乃爾可謂好問官何吾騶曰是人伏機甚深何可深信越數日體仁知其疏凡震孟票擬竟抹去不用震孟拍案大呼以諸疏擲體仁體仁亦不顧未幾以許譽卿事罷之

列傳第一百九十七 流賊

李自成傳魏忠賢黨喬應甲爲陝西巡撫朱童蒙爲延綏巡撫貪黷不詰盜○按陝撫喬應甲貪婪狂易法紀廢弛有道臣袁養和被劫請捕盜應甲反脇取養和千金延撫朱童蒙腴削軍廩助三殿大工兵民側目見綏寇紀略

自成乃與兄子往從迎祥○按綏寇紀略自成妻韓氏

故娼也與縣役蓋君祿通自成殺淫者偕李過亡命
甘州投甘督梅之煥所部參將王國爲兵國奉調遣
過金縣兵譁自成縛縣令索餉并殺國遂反會高迎
祥自號闖王自成往從之

故總兵湯九州戰死○按是時左良玉從宜赴嵩故總
兵湯九州以千二百人從軍自效有夾勦之勢左中
道遄歸九州以孤軍殺賊大勝窮追四十里誤入深
崖爲賊所乘敗沒見綏寇紀略

遂連陷昭化劍州梓潼江油黎雅青州等州縣

青州改
青川

○按地理志四川並無青州惟龍安府有青川溪洪
武六年設青川千戶所嘉靖末改龍安府與梓潼江

油接壤明史紀事本末亦作陷青川彰明等縣蓋承
洪武年間舊名也此作青州誤

典史潘夢科○按忠義傳作潘孟科

王世子由松裸而逃

松改崧

○按由松諸王傳作由崧

尋屠陳州○按三月自成羅汝才合羣盜八十萬圍陳
州副使關永傑率士民死守賊更番迭攻永傑戰死
城上郡紳崔必之等手刃數賊被執而死賊怒屠之
見明史紀事本末

豫人所謂柿園之敗也○按傳庭出軍值天大雨糧車
不進士卒凍餒采青柿爲食至於甚敗故豫人以爲
柿園之敗見綏寇紀略

明史三十一
令弘文館學士李化龍等草檄馳諭遠近指斥乘輿○
按自成更鑄大錢設科目甯紹先僞充考官試定鼎
長安賦拔扶風舉人張文熙爲第一僞學士李化龍
臺諫宋衛等頌功德張形勢以指斥乘輿脅汧州縣
見綏寇紀略

張獻忠傳獻忠及汝才皆就撫○按四年獻忠率衆二
千人就撫於洪承疇五年復叛見明史紀事本末

爲告文燦受其降○按獻忠旣降文燦責賂黃金蹏裹
千珠琲盈斗他環貨累萬萬而獻忠偏將韓城人薛
姓者首輔辭國觀之子姪行也走一騎出入國觀府
中且徧見權貴人自國觀以下無不受其賂者見綏

寇紀略

汝才以戰敗乞降於太和山監軍太監李繼改○按羅汝才就撫文燦安其眾於房竹間與民錯壤而處遙與獻忠爲聲援奪民禾而食不奉縣官法鄖楚偏沅諸撫咸以爲憂文燦剛而愎又新有功而驕皆不聽鄖襄人惴惴恐禍至無日矣見明史紀事本末

乃悉眾攻楚兵於土地嶺○按諸將營於土地嶺待賀人龍兵三復不至張應元等所將楚兵五千人皆新募賊知官軍無後繼悉銳攻之遂敗見明史紀事本末

推官鄭日廣○按明史紀事本末作鄭曰廣

陷廬州○按獻忠先遣英霍游民陽爲貿易者潛入廬州城中適督學御史以校士至郡獻忠遣賊數百負書卷衣青衿雜諸生應試者旅寓城中夜漏二下獻忠卷甲疾馳入城城中賊縱火應之城遂陷廬州城池高深賊屢攻不能克至是一夕而陷見明史紀事本末

岳州陷○按武昌陷巡撫王聚奎南奔長沙推官蔡道憲請還屯岳州謂岳與長沙唇齒也併力守岳則長沙可保而衡永無虞聚奎屯岳數日仍南徙驅萬人入長沙所過如洗慘甚於賊尋遁入湘潭及賊至城下呼道憲曰吾軍中皆知爾名毋自苦也道憲挽強

弩射之城陷被執百計誘降不屈磔之見明史紀事本末

巡撫陳士奇被殺

陳士奇改龍文光

○按朝命龍文光代陳士

奇爲巡撫士奇自謂知兵欲留以自効乃奔重慶重慶破與瑞王同遇害是士奇之死在破重慶時而破成都時所殺巡撫乃龍文光也此敘陳士奇被殺在進陷成都之後誤據陳士奇龍文光本傳改

列傳第一百九十八 湖廣土司

施州傳初太祖卽吳王位○按吳元年左相國徐達按視湖湘以楊璟爲參政令之招撫而別遣指揮使王遇成等攻討諸苗之未服者乃隨服隨叛命江夏侯

周德興東門侯吳海普定侯陳桓靖寧侯葉昇徧平蠻寨大破辰九溪施南散毛鎮南大旺諸洞見毛奇齡蠻司合志

蠻苗吳面兒之難諸土司田多荒廢○按洪武十八年吳面兒叛是時諸蠻出沒不常楚王楨及湯和等抵其地恐蠻人驚潰乃於諸洞分屯立柵與蠻民雜耕使不復疑久之以計禽其渠魁餘黨悉潰師還留兵鎮之見明史紀事本末

宣德二年

二改

○按宣德二年地理志及一統志俱作

三年此作二年誤

及鎮邊隆奉二蠻夷官司

邊改遠

○按鎮邊地理志作鎮

遠此作邊誤

散毛宣撫司副使黃縉瑄謀殺親兄律應斬

縉下加稱

然瑄罪重法不可宥

刪法字

中謫戍○按中逃歸舊巢築牛欄坪寨守之號天城自稱天城王流劫奉節雲陽間四十四年川湖兵勦中復降梟於市見蠻司合志

永順傳永順宣慰使順德汪倫

宣慰改安撫

○按永順洪武

二年爲州十二月置永順軍民安撫司至六年十二月升軍民宣慰使司則五年不得卽稱宣慰且汪倫旣稱宣慰使是已有宣慰矣下文又安得云遂置宣慰使司乎據一統志及地理志改

遣人上其所受僞夏印

刪其字

廷瑞以女結婚於永順土舍彭世麟○按廷瑞以所擄女子詐爲己女嫁於土舍彭世麟爲妾結驩世麟世麟白軍門受之見明史紀事本末

嘉靖六年○按嘉靖六年藤峽苗叛七年湖廣僉事汪濤等率永順兵進剿牛腸寨保靖兵進剿六寺等寨見明實錄

保靖傳宋置保靖州元爲保靖州安撫司

改宋置保靖州元因之屬

新添葛蠻安撫司

○按保靖宋時始置保靖州見一統志此

作保靜誤又考地理志及一統志元時亦爲保靖州屬新添葛蠻安撫司是元時保靖未嘗有安撫使也

地理志太祖丙午年二月始置保靖安撫使則下文
安撫使彭世雄卽屬明初所授此云元爲保靖州安
撫司誤

明太祖之初起也安撫使彭世雄率其屬歸附

之字也
字其字

並刪

初保靖安撫彭萬里以洪武六年歸附

六改元

○按上文

言洪武元年安撫使彭萬里遣子奉表貢馬及方物
因升爲宣慰司卽以萬里爲之與地理志一統志同
此作六年誤

因殺藥俾

藥下增
哈字

保靖兩江口土舍彭惠至是復與宣慰彭九霄構怨

○按九霄彭藥哈俾之孫也惠以祖大蟲可宜革職死無所襲而九霄得襲祖職宣慰司忌之因爲仇正德中參將清宣慰司地賦惠所據九江口實宣慰地遂奪九江口七寨歸九霄於是仇益甚見蠻司合志列傳第一百九十九 四川土司一

烏蒙烏撒東川鎮雄傳乃聚兵赤水河以拒之○按都督郭英等出永寧路多險阻諸將欲深入英曰破敵貴先聲攻取必自近始舍近趨遠非策之上也遂以兵攻赤水河去河二十里爲營時久雨水暴漲英曰賊恃水漲不意我濟下令諸軍斬木造筏夜半濟比曉敵始覺遂大驚潰見明史紀事本末

是月

改七

○按十五年夏四月烏撒東川芒部復叛六

月上命安陸侯吳復平涼侯費聚合征南三將軍進攻之秋七月沐英自大理還軍滇池會友德兵進攻烏撒大敗其衆則所謂是月者七月也見明史紀事本末及沐英傳

東川芒部諸夷種類皆出於獮獮○按獮獮本名盧鹿有黑白二種其先漢時從諸葛亮破孟獲封羅甸王世長其土兵爲諸苗之冠見尙谿纖志

各立疆場

場改

初芒部土舍隴壽與庶弟隴政○按隴壽隴政皆芒部土官隴慰子見蠻司合志

宜亟趣都御史王廷相之任○按川撫王廷相同何卿
進勦上官阿濟稱沙保已死廷相據聞旣而御史施
山總兵牛桓言沙保未死阿濟言不實及唐鳳儀新
任乃專責阿濟使之擒沙保斬於軍門見蠻司合志
於是四川巡撫唐鳳儀言烏蒙烏撒東川諸土官故與
芒部爲脣齒○按八年四川巡撫唐鳳儀巡按戴金
會奏議處芒部七事一曰因地方以定土流二曰順
夷情以續絕世三曰尊威令以示懲戒四曰存四司
以專責任五曰明賞罰以定夷情六曰嚴守備以塞
禍源七曰下重令以戒聯結見明實錄

爲雲南巡撫閔洪學所敗○按閔洪學敗安効良事在

天啟五年見明史紀事本末

馬湖傳土知府安鼇有罪伏誅○按嘉靖二年馬湖土
巡檢安宇自言從征年久累獲首功奏乞改注職官
兵部覆宇本安鼇之子法當安置廣西因四川用兵
雖有功例應給賞而宇故辭之陰爲開復土官之地
則先朝岑猛岑濬事可鑒也上遂不許見蠻司合志
建昌衛傳皆宜增屯衛○按王請增設諸衛且籍民爲
兵上報設諸衛而不許籍民見明史紀事本末

永樂元年復置○按地理志永樂二年改置昌州威龍
普濟三長官司此作元年互異

寧番衛傳有冕山鎮西禮州中三千戶所

刪鎮西禮州
中三字

○按禮州屬建昌衛見上建昌衛傳鎮西屬越嶲衛
見下越嶲衛傳地理志亦言寧番衛領千戶所一止
有冕山此誤將禮州鎮西混入自相抵牾

越嶲衛傳漢邛都及闡二縣地闡改○按漢書地理志

有闡縣無闡縣

鹽井衛傳古定筰縣也筰改○按漢書地理志作定筰

會川衛傳復立會川府○按地理志十五年復置會川
府此作十七年互異

茂州衛傳自唐武德改郡會川領羈縻州九會川改○

按茂州隋爲會州後改州爲汶山郡唐武德元年復
曰會州四年改曰南會州此作會川誤

靜州長官司○按靜州宋時蠻董姓者據其地號靜州蠻明置長官司岳希亦有長官司俱洪武七年置見一統志

松潘衛傳曰蛸匝○按蛸匝地理志作蠟匝

曰潘幹寨

幹改幹

○按潘幹寨地理志及蠻司合志俱作

幹此作幹誤

十五年黑虎寨賊首多兒太伏誅

刪五字

○按多兒太伏

誅係正統十年事見明實錄此誤衍五字下文十一年可證

巡撫劉洪奏○按劉洪奏松疊溪禦蠻八事此係第二條見明實錄

天全傳曩因礮門拒長河西口

拒改距

今聞有路自礮門出枯木任傷徑抵長河西口

路下增可枯改

柘任傷改場

○按方輿紀要自礮門出柘木場徑抵長河

西口此作枯木任傷誤

黎州傳臙乃卜最强世居西河○按萬厯初臙乃卜僭

稱王殺略榮丁因賴村沐川長官以狀聞廷議征之

以守備劉繼祖等爲將軍率總旗胡祿戰於大赤口

祿中流矢死繼祖等被執都御史徐元太上書按赤

口失律狀而都司李獻忠竟以孤軍擣賊巢諸將郭

成等四路並進斬其渠魁臙乃卜乃降見蠻司合志

明史攷證攢逸卷三十七